



Icyegeranyo cy'amakuru y'imikino yaranze icyumweru

2024

Tariki 08-10 Werurwe



P.1 Basketball : Habaye irushanwa rwo kwizihiza umunsi Mpuzamahanga w'Abagore

Ijambo ry'ibanke

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'l'mikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

Ibirimo

P1 **Basketball**: Habaye irushanwa rwo kwizihiza umunsi Mpuzamahanga w'Abagore

P2 **Athletics**: Nimubona yegukanye umwanya wa 3 mu Butaliyani

P2 **Football**: Habaye imikino y'umunsi wa 24 ya shampiyona

P3 **Basketball**: Habaye imikino ya shampiyona

P3 **Athletics**: Uwitonze na Iribagiza bitwaye neza muri Djibouti

P4 **Cricket**: Challengers CC yegukanye irushanwa "RCA Men T10 2024"

P4 **Tennis**: Trungelliti yegukanye icyumweru cya kabiri cya "ATP Challenger 50 Tour"

P5 **Handball**: Habaye inama y'Inteko rusange ya FERWAHAND

P5 **Para Powerlifting**: Rubavu yegukanye igikombe cya shampiyona

Basketball : Habaye irushanwa rwo kwizihiza umunsi Mpuzamahanga w'Abagore

Tariki 10 Werurwe 2024 muri LDK mu Rugunga habereye irushanwa rya Basketball bakina ari batatu "Women's Day 3x3 tournament 2024" mu rwego rwo kwizihiza umunsi Mpuzamahanga w'Abagore uba tariki 08 Werurwe buri mwaka.

Iri rushanwa ryitabiriwe n'amakipe yari mu byiciro bitandukanye birimo amakipe y'abato, abakuru ndetse n'abakanyujijeho.

Uko amakipe yakurikiranye

- **Mu bato**

1. ESB
2. St. Peter
3. APE Rugunga

- **Abakuru**

1. REG BBC
2. APR BBC
3. Kepler BBC

- **Abakanyujijeho**

1. X Team
2. Shooting Touch
3. Dream team – Basketballs



Athletics : Nimubona yegukanye umwanya wa 3 mu Butaliyani

Tariki 10 Werurwe 2024 mu Mujyi wa Cassino mu Butaliyani habereye irushanwa mpuzamahanga "Festa del Cross Country Cassino 2024". Umukinnyi w'Umunyarwanda usanzwe witoreza muri iki gihugu yitwaye neza yegukanye umudali w'Umulinga mu gusiganwa kilometero 10 aho yakoresheje iminota 31 n'amasegonda 21.

Iri siganwa ryegukanwe na Kimutai Joseph Kimeli ukomoka muri Kenya wakoresheje iminota 31 n'amasegonda 11 , akaba yarakurikiwe na mugenzi we nawe ukomoka muri Kenya, Wambua Bernard Musau wakoresheje iminota 31 n'amasegonda 18.

Muri iri siganwa hanagaragayemo undi mukinnyi w'Umunyarwanda, Simukeka Jean Baptiste wasoreje ku mwanya wa 42 aho yakoresheje iminota 33 n'amasegonda 55.



Football : Habaye imikino y'umunsi wa 24 ya shampiyona

Tariki 08, 09 na 10 Werurwe 2024 habaye imikino y'umunsi wa 24 wa shampiyona y'icyiciro cya mbere mu mupira w'amaguru mu bagabo. Biteganyijwe ko imikino y'umunsi wa 25 izaba taliki 29, 30 na 31 Werurwe 2024.

Uko imikino yagenze

Tariki 08-03-2024

- Etoile de l'Est 1-0 Kiyovu
- Etincelles FC 3-1 Mukura
- AS Kigali 1-0 Musanze FC
- Amagaju FC 1-1 Bugesera FC


Tariki 09-03-2024

- Rayon Sports 0-2 APR FC
- Muhazi United 1-0 Sunrise FC

Tariki 10-03-2024

- Police FC 2-1 Gasogi United
- Marines FC 2-1 Gorilla FC

RWANDA PREMIER LEAGUE		POS	CLUB	PG	GD	PTS
1		APR		24	+27	58
2		RAYON SPORTS		24	+14	45
3		MUSANZE		24	+11	44
4		MUKURA		24	+5	39
5		POLICE		24	+5	36
6		AS KIGALI		24	-1	34
7		AMAGAJU		24	+1	32
8		MUHAZI UNITED		24	-1	31
9		KIYOVU		24	-3	31
10		GASOGI UNITED		24	-4	29
11		MARINE		24	-8	28
12		SUNRISE		24	-8	26
13		ETINCELLES		24	-9	25
14		BUGESERA		24	-1	23
15		GORILLA		24	-9	23
16		ETOILE DE L'EST		24	-19	19



[rwanda.premier.league](#)



[rwanda premier league](#)



Basketball: Habaye imikino ya shampiyona

Tariki 08 kugeza 10 Werurwe 2024 habaye imikino ya shampiyona ya Baskeball "Rwanda Basketball League 2024" mu cyiciro cya mbere mu bagabo n'abagore ndetse n'icyiciro cya kabiri mu bagabo.

Uko imikino yagenze

Icyiciro cya mbere

Mu bagabo

Tariki 08-03-2024

- APR BBC **105-67** Orion BBC
- Espoir BBC **47-69** Patriots BBC

Tariki 10-03-2024

- Inspired Generation **54-73** Tigers BBC
- UGB **102-104** Kepler BBC

Mu bagore

Tariki 09-03-2024

- EAUR **62-47** UR Kigali
- APR BBC **70-46** GS Gahini
- REG BBC **89-60** GS Marie Reine
- UR Huye BBC **48-96** Kepler BBC
- IPRC Huye BBC **65-47** The Hoops

Icyiciro cya kabiri

Mu bagabo

Tariki 09-03-2024

- Flame **57-46** ITS Kigali
- UR Huye **109-62** Nyagatare
- IPRC Musanze **47-76** AZOMCO
- Agahozo **88-63** Rebero Academy
- Kicukiro Buckets **75-17** Black Thunders
- IPRC Kigali **54-73** Keplerian

Tariki 10-03-2024

- UR Kigali **80-58** Intare
- IPRC Huye **81-98** Greater Virunga
- Igihozo Ste Peter **91-95** EAUR
- The Hoops **63-80** Elite



Athletics : Uwitonze na Iribagiza bitwaye neza muri Djibouti

Tariki 9 Werurwe 2024 muri Djibouti habereye isiganwa mpuzamahanga "Djibouti International Meeting 2024". Abakinni babiri b'Abanyarwanda, Uwitonze Claire na Iribagiza Honorine bitwaye neza begukana imidali.

Uwitonze Claire yegukanye umudali wa Zahabu mu gusiganwa metero 800, yakurikiwe na Firezewid Tesfaye wo muri Ethiopia naho ku mwanya wa gatatu haza Nima Youssouf Abdallah wo muri Djibouti.

Nyuma yo kwitwara neza, Uwitonze Claire yabonye itike yo kuzitabira shampiyona y'Isi mu batarengeje imyaka 20 "World Athletics U20 Championships 2024" izabera i Lima muri Peru, tariki 27 kugeza 31 Kanama 2024.

Muri iri rushanwa ryabereye muri Djibouti, Iribagiza Honorine yegukanye umudali wa Feza mu gusiganwa metero 1500. Muri iki cyiciro, Kadra Mohamed Dembil wo muri Djibouti yabaye uwa mbere naho ku mwanya wa 3 haza Agegn asayech Adamase wo muri Ethiopia.



Cricket: Challengers CC yegukanye irushanwa "RCA Men T10 2024"

Tariki 03 Gashyantare 2024 kugeza 10 Werurwe 2023 ku kibuga mpuzamahanga cya Cricket i Gahanga habereye irushanwa "RCA Men T10 2024" ryahuje amakipe 6 yo mu cyiciro cya mbere mu bagabo ari yo Challengers CC, IPRC Kigali CC, Right Guards CC, Indorwa CC, Zonic Tigers CC na Kuchi Tigers CC.

Aya makipe nyuma yo gukina hagati yayo, amakipe ane ya mbere yakinnye imikino ya $\frac{1}{2}$ ayitwaye neza akomeza ku mukino wa nyuma. Tariki 10 Werurwe 2024 ni bwo hakinwe n'imikino ya $\frac{1}{2}$ ndetse n'umukino wa nyuma.

Muri $\frac{1}{2}$, ikipe ya Challengers CC yasezereye Indorwa CC naho IPRC Kigali isezerera Right Guards CC. Ku mukino wa nyuma ikipe ya Challengers CC yitwaye neza itsinda IPRC Kigali CC ihita yegukana igikombe.

Uko amakipe yakurikiranye

1. Challengers CC
2. IPRC KIGALI CC
3. Right Guards CC
4. Indorwa CC
5. Zonic Tigers CC
6. Kuchi Tigers CC



Tennis: Trungelliti yegukanye icyumweru cya kabiri cya "ATP Challenger 50 Tour"

Kuva tariki 04 kugeza 10 Werurwe 2024, baye icyumweru cya kabiri cy'irushanwa mpuzamahanga mu mukino wa Tennis mu bagabo "ATP Tour Rwanda Challenger 2024". Imikino yabereye ku bibuga bya Tennis biherereye muri IPRC Kigali.

Marco Trungelliti ukomoka muri Argentine wari watsindiwe ku mukino wa nyuma mu cyumweru cya mbere ni we wegukanye iri rushanwa mu cyumweru cya kabiri atsinze ku mukino wa nyuma Clément Tabur ukomoka mu Bufarana amaseti 2-0 (6-4 na 6-2).

Uyu mukinnyi, Marco Trungelliti yageze ku mukino wa nyuma asezereye Kamil Majchrzak ku maseti 2-0 (6-3 na 6-4) wari wamutsinze ku mukino wa nyuma mu cyumweru cya mbere naho Clément Tabur yageze ku mukino wa nyuma asezereye Damien Wenger wo mu Busuwisi ku maseti 2-0 (6-1 na 6-3).

Mu cyiciro cy'abakina ari babiri "Double", irushanwa ryegukanwe n'ikipe yari igizwe na Thomas Fancutt (Australia) afatanyije na Hunter Reese (USA) aho yatsinze ikipe ya S D Prajwal Dev na David Pichler (Austria) amaseti 2-0 (6-1 na 7-5).



Handball: Habaye inama y'Inteko rusange ya FERWAHAND

Tariki 9 Werurwe 2024 muri Hilltop Hotel i Remera habereye inama y'Inteko Rusange y'ishyirahamwe ry'umukino wa Handball mu Rwanda "FERWAHAND".

Abanyamuryango bagejejweho raporo y'ibikorwa n'i'yumutungo ya 2023 ndetse na gahunda y'ibikorwa biteganyijwe muri 2024.

Muri iyi nama kandi hemejwe ko shampiyona y'icyiciro cya mbere izatangiratariki 23 Werurwe 2024.

Inama y'Inteko Rusange ya FERWAHAND yakiriye amakipe abiri mashya ari yo TTC Rubengera na ESC Nyamagabe.

Komite nyobozi ya FERWAHAND yagejeje ku banyamuryango kandi aho imyeguro yo kwakira igikombe cy'Afurika muri 2026 igeze.



Para Powerlifting : Rubavu yegukanye igikombe cya shampiyona

Tariki 9 Werurwe 2024 kuri Sitade Ubworoherane mu Karere ka Musanze habereye imikino ya nyuma y'irushanwa ryo guterura ibiremerekereye mu bantu bafite ubumuga "Para Powerlifting Championship 2024".

Ikipe yari ihagarariye Akarere ka Rubavu ni yo yegukanye igikombe ikurikirwa na Musanze, Rwamagana iza ku mwanya wa 3 naho Nyarugenge iza ku mwanya wa 4.





Website: www.olympicrwanda.org
www.olympicrwanda.org/commonwealth
Email: cnosr@olympicrwanda.org | @RwandaOlympic

Address: Remera-Hallmark Center Building KG 17 Ave